

NGAILUT VANG A NATOH




Simmun 9: August 29, 2026

“Chule nalung phatmona ding
uva hilouvin,

keiman nangho ka ngailut je
u hi nahetdohna ding uva,

lung hesuoh, lungkham, chule
mitlhi tamtah pum a hiche
thu mama chu Kahin sut ahi”

(2 Corinth 2:4)






Corinth mite hieng a Paul lekhatot nina isutgil chan un Paul in houbung damthei ding akhohsah dan akimudoh be jing e.

Chonsiet dimna leisiet a Pathien nungjui dihtah hi ding hahsa tah ahi; kum jabi khat lai chun Christian kahi ti mai mai ding jong hinna chaanna thei anahi.

Paul in houbung sung le po a melma kidintepi ding je mite ahilthiem in, midang dia kipumpieh le kilungkhat ding je ahil e. Hichun “*gimnam tui*” hi je ei hil ui (2 Cor. 2:16).



Thuohgimna a Pathien lhamuonna



Thienthoua le natoh a kitahna



Chingthei tah a chonna



Ngaidamna le dinthah kitna



Christa gimnam tui

THUOHGIMNA A PATHIEN LHAMUONNA

"Aman genthei hesuoh kathuohna chan uva ei lhamuon uvin, keihon jong Pathien a kamu u hiche lungmuonna chun genthei hesuoh tuohkha jouse ka lhamuonsah thei ui." (2 Corinth 1:4)

Corinth thot 2na hi Paul in lhamuonna thu atam seinu pen ahi. Houbung phaathahsa atuolai ahin, alekhathot masa jal chun lungkham a aum lai tah u ahi.

Ahin hiche lungkhamna chu tahsa lam dol hilouvin, lhagao mite kishina kuon chu ahi jo'i (2 Cor. 7:10). Paul in hiche lungkhamna chun achupgam diu adei pon, lhamuonna anei teina diu joh agel ahi.

Paul ama tah jong phaathahsa atuoa, hinna chaan thei dia aumna jong atam in, chutieng lhadah tah anahi ji e (2 Cor. 1:8-10). Ahin Pathien in lhamuonna ape ji'n, tun hiche lhamuonna chu houbung mite piehson ding ati ahi (2 Cor. 1:6).

Pathien Lhamuonna

Kichat asumang suoh e

Ei panpina u ei geldoh sah uve

Nat thuohlel thuohjouna tha eipe uve

Lhagao pilhinna lampi ei puiut uve

Midang huhhingna natch ei bolsah uve

Pathien lhamuonna chun midang ei lhamuonsah uve



THIENTHOUNA LE NATOH A KITAHNA

"Ka kisuonna u chu hiche hi ahi: vannuoi a kachon namlhah u le nangho kabolna u hi tahsaphe chihna a kabol u ahipon, lung thiengsel le lung navah pel a Pathien lungsiet jal a bol kahi u ka hetthiemna u lunggil hi hettuohsah a pang ahi." (2 Corinth 1:12)


Kimkhat in Paul lunggel lhasam le taimo um tah ahi ati uve (2 Cor. 10:10). Hijieh hin, chuleh athusei le ahilchahna akisaan kimtheina diuvn, solchahpu hin midehho oimona chu limlomlou ahi ahilchet ngai ahi tai.

Mite lah a ima'n akigel poi (Eph. 3:8). Ahin, Pathien lungsietna achan jal chun lunggel kisuh le kichieh tah nei in akigel e (2 Cor. 1:12).



Hijieh hin Paul thilsut jouse selguh bei le lung thiengsel jieng ahi. Athilsut jouse thienthouna le kitahna pum a asim uva, ahethiem tei diu akineppi e. Ngailut le aphanatna diu jieng gelna a kisun ahi akimudoh diu akinem e (2 Cor. 1:13-14).

Ama le atohkhompi cheng in kisuong tah in achonchan hi thiengthou le kitah tah ahin, houbung le polang a muthei ahi ati uve.



CHINGTHEI TA A CHONNA

"Nangho ka khohsah jieh a tugei a Corinth a kahung lou hi kahinkho a ahetuoh Pathien pan a kakou ahi." (2 Corinth 1:23)

Alekhathot masa chun Paul in Corinth mite akhuoljin lampi hopa ding mun ahetsah e (1 Cor. 16:5-11):

Ephesus → Macedonia → Corinth → Judea

Khonung alekhathot chun (2 Cor. 7:8) nivei jen avil ding aseih pih e (2 Cor. 1:15-16):

Ephesus → Corinth → Macedonia → Corinth → Judea

Hinla alunggel akhel in, khatveina chu avohai in, niveina pa bouva avil din aseih tai (2 Cor. 1:23). Hijieh hin kimkhat in lunggel detlou le taimo um tin aseih ta uve. Ibol a lunggel akhel hin tem?

Corinth houbung buoina suhlhappih dia Paul ache tei angai vang in, hiche houbung mite lah a hilna pha ngainuomlouva, thudeh tinten tampi aum ding jieh chun ache ding avohai tan ahi; hichu angailutna jal ahin, kinahpi ding anoplou jieh ahi (2 Cor. 2:1-4).



NGAIDAMNA LE DINTHAH KITNA

"Nang hon mi khattou na ngaidam u le ken jong ama chu ka ngaidam thouve, hiti a chu khattou ka ngaidam le Christa angung a nangho jal a kabol ahi" (2 Corinth 2:10)

Paul Troas lam ajot chun Titus in Corinth lam ajon tai. Troas a kuon Paul in Macedonia lam ajon kit tai. Titus in Corinth mun a Paul akimupi tahlou phat chun Corinth houbung thudol Paul in ima het anei tapon, phamo asa leh jieng e (2 Cor. 2:12-13).

Chomkhat jouvin Titus in Paul Macedonia ah akimupi'n, Corinth houbung in solchahpu hilchahna ginngai tah a ajui aseipih tai (2 Cor. 7:5-9, 13-16).



Corinth houbung bol ding poimo tah chu kipuigahna (discipline) lampang ahi. Solchahpu hilchahna akisaan un, amimo thiemmo chan ahitan, thiemmona akisaan ta uve. Tun aban chal ta din aseipih tai: ngaidamna le dinthah kitna ding phaatahi tai (2 Cor. 2:5-11).

CHRISTA GIMNAM TUI

"Pathien kom a keiho hi Christa ding a huhhing a umsate hieng le amangthah ding ho hieng gei a jong gimnam tui kahi uvin" (2 Corinth 2:15)



Troas mun a gospel loupi tah a akiphuon theina dia Pathien in *"kot ahon pih"* thudol ase i chun Paul apengjah jieng in: *"Christa hinkho a galjona a ei kijotkhompi jing uva, keiho mangcha a Christa hetdohna le phuondohna chu muntin a gimnam tui bang a eithe chansuoh uva Pathien chu thangvah in um jing hen"* ati tai (2 Cor. 2:14).

Muntin chansuoh gimnam tui bang in Christa thupha hetna jong mitin lungsung achang tai. Corinth mite din hiche gimnam tui hi tuonsot hinna'n apang tai. Kouna nungsun ho din vang thina gimnam in apang tai (2 Cor. 2:15-16).



Hiche gimnam tui nei jouse'n mopuohna sang pen achal u Paul in ase i in, chang ding gellouva, kitah tah a huhhingna thu aseiphuong diu je ase i e (2 Cor. 2:17).



“Thupole a pang kitah tah chun Corinth houbung a kikhelna loupì tah alhun aseipih tan, hichu ngainop um tah thulhut chu ahi tai. Mi tampi’n Corinth houbung lekhatot a kisun Paul phosalna chu akisaan un, akhielna u akisihpi ta uvin ahi. Hite hinkho chu Christiante jumna’n apang ta pon, thiennna hinkho man ding kisinsahna a kihilna phatah in apang jo tan ahi. [...]

Pathien lungsietna’n lungsung alodim tieng chonsiet kishina le chonsiet nungsunna aum ji’n ahi. Hitobang tah chun Corinth mite chung a ga pha lhung muthei a aum solchahpu’n aseì e.

EGW (The Acts of the Apostles, pp. 324)